

Vun driweriver

erscheint auf www.lenauheim.de

monatliche
Erscheinung

April 2016

von Helen Alba

E großes Glick

E großes Glick, es kummt e Kind!
In der Familie weht e frischer Wind.
Die Mutter kreischt, de Vater strahlt
un sich mit dem Baby prahlt.

Im Inbinnkisse jetz e Mädli leit.
For die Eltre allergreeschti Freid.
„Mei Weib wäscht Lumpe, es Kind trinkt Titt
in die Wie schau ich jetz alleritt“.

Doch denkt de Vater: Ich gin ke Ruh
bis nit kummt derzu e Bu.
Weil e Paar, des is doch scheen,
zu viert mer dann dorchs Lewe gehn.

Un wieder bringt de Storch im Bindl
es zweitli, winzich kleeni Kindl.
Doch weil des ach e Mädli war
holt sich de Vater vor un zwar:

Mir prowiere des e drittes Mol. Gewiss
dass es dann e Buiche is.
Die Zeit vergeht, gsaat un gemacht.
De Storch sich in sei Feischtche lacht:

Die Eltre han sich stark geploot, bemiet.
De Buwewunsch ach jetz Erfüllung kriet.
Gleich zwaa Buwe tu ich ihne schenke,
sicher were se nit sich kränke.

Un so is kumm e großes Glick ins Haus:
Vier Kiner gehn dort jetzer ein un aus.
Sie sin de Eltre ihre Stolz, han naner lieb,
mer denkt: wu is die Zeit geblieb?

Es schweri Kreiz

Jede Mensch hat so sei Kreiz zu traan.
Mancher tobt sich aus un villi gar nix saaan.
Sie schlepe es Kreiz still dorch die Welt,
denke: des is vum Herrgott so bestellt!

War mol e Mann, er hat nimi gepackt sei
Kreiz.
Es Lewe war voller Sorche, Kummer – ohne
Reiz.
Do träämt er mol, er sei zum Herrgott gang,
dort ankumm hat er zu kreische, klaae
angfang:

„Liewer Gott! Ich han doch nix verbroch!
Sin mit dem schwere Kreiz zu Eich kumm
hoch
un bitt Eich scheen: leet mer doch e anres uf,
aach noch paar Jahr in Frohsinn druff!“

„Ja liewer Mann! Schaut eich do um.
Allerhand Kreizer leije um mich rum.
Sucht eich ens aus, ihr kennt tausche jetz.
Losst eich Zeit derbei, ganz ohne Hetz!“

Un tausche tut der Mann. E Kreiz ganz kleen
leet er sich uf de Buckl. Un geht scheen
wieder nuner uf die Erd. Es Kreiz tut dricke
grad wie wann e Zentner dort tät picke.

„Oh weh! Der Tausch, der war nit gut!
Doch zruck gehn? Derzu han ich ke Mut“!
Iwerdem is er jetz wackrich gin
E Lehr kummt ihm sofort in Sinn:

Is e Kreiz a noch so schwer un groß,
traa's mit Geduld. Es is die Los.
Weil ach e kleenes Kreiz kann dricke,
e jeder traat sei eignes Kreiz am Ricke!